



Inatsisartunut ilaasortaq, Aslak W. Jensen, Siumut

Immikkoortiterineq pillugu § 37 naapertorlugu apeqquteqaammut 2022-008-mut akissut

20-01-2022
Suliaq nr.: 2022 - 742
Id nr. 72015783

Asasara Aslak W. Jensen

Inatsisartut suleriaasianni § 37 naapertorlugu Immikkoortiterineq pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Naalakkersuisut innuttaasunik immikkoortiterilluni ingerlatsineq qanoq isumaqarfigaat?

Akissut: Nunap sinneranut sanilliullugu Nuummi aalisartut akiliuteqartinneqartarnerat apeqqutinnut aallaaviunerarlugu, § 37 naapertorlugu apeqquteqaatitit tunngavilersornerani itisilerpat. Tamanna tunngavigalugu akissuteqassaanga.

Sikuki Nuuk Harbour A/S-imi atuisunut akiliuteqartitsisarnerup allangortinneqarnissaanik piumasaqaasiussallutik Naalakkersuisut pilersaaruteqanngillat. Sikuki Nuuk Harbour A/S-ip ingerlatsinermut, aserfallatsaaliinermut, umiarsualiviliorsinnaanissamullu taarsigassarsiat taarsorsorneqarnerinut aningaasartuutinut atuisut akiliutaat matussutigineqartarput.

Umiarsualiviit pillugit Inatsisartut inatsisaat nr. 9, 3. juni 2015-imeersumi § 21-mi imm. 3 Naalakkersuisut aallaavigaat, tassani allassimamat, akiliutigineqartut pissutigalugit umiarsualiviit umiarsualivinnik piginneqatigiinnit piginneqartut aamma umiarsualiviit Kalaallit Nunaanni Namminersorlutik Oqartussanit piginneqartut unammilleqatigiinnerisa equtinneqannginnissaat sapinngisamik annertunerpaamik qulakkeerneqassasoq.

Inatsimmut nassuiaatini aamma allassimavoq, "atuisut akiliisarnissaannik atuutsitsilernissaq eqqukkiartuaarneqassaaq aammalu ikaarsaarnermut aaqqissuussat pisariaqartut atorneqassallutik".

Tamanna tunuliaqutaralugu illoqarfinni arlaqartuni atuisunut akiliuteqartitsiartuaalernissaminnik, taamaalillunilu umiarsualiviit akimorlugit unammilleqatigiinnermik, atuisunullu akiliuteqartitsisarnermut tunngatillugu naligiilersitsinissaminnik Naalakkersuisut sulissuteqarput. Atuisunut akiliuteqartitsisalerikkut immikkoortiterineq kisimi pinngitsoortinneqassasoq naatsorsuutigineqanngilaq, aammali aserfallatsaaliinissamut aningaasat amerlanerusut immikkoortinneqartalernissaannut tapertaassalluni. Aserfallatsaaligassat aserfallatsaalineqartanninnerisigut umiarsualiviit atorneqarsinnaanissaannut periarfissat kisimik sunnerneqaratik, isumannaassusaat aamma sunnerneqartarpoq,

taamaattumillu atuisunut akiliuteqartitsisalernissamut suliaq annertuumik pingaartinneqarluni.

Annertunerusumik paasisaqarusukkuit, § 37 naapertorlugu umiarsualivinni atuisut akiliuteqartarnerat pillugu apeqquteqaammut 2021-29-mut akissut innersuussutigineqarpoq.

Apeqqut 2: Taamaassimassanngippallu suliniutit suut Nalakkersuisut sulissutiginiarpaat?

Akissut: Apeqqut 1-imut akissut takuuk.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

Mariane Paviasen